

# de Uulewapper

JAORGANK 5 - 2011

Prins Go of  
dh eerste

VENEZIAANSE  
MASKES

24



# LEEF UULEK IENJER EN ANGER PASTE- LAOPESGEKSKES!

Dit jaor is 't fees! De Uulewapper viert zien eerste lustrum, det wilt zègk hae versjent veur de viefde keer sjpesjaal veur uch. Veer zeen daa es redaksie van De Uulewapper heel greuts op.

Höb geer weer nao de nuuje Uulewapper oetgekeke?

Veer zolle uch gauw ein klein bietje vertelle waat geer dit jaor zoal kint verwachte.

Netuurlik 't waalbekinde grote interview mit óze nuuje Jeugprins Goof I. Waem is hae? Wo zit d'r op sjool en wat zeen zien hobbies en favoriete aete? Ouch kómp geer te weite waem zien vrunj zeen die es Adju's same mit hem d'r eine geweldig sjone vastelaovend van gaon make!

Zowiej gewind höbbe veer de aaj vertroewde zake zowiej grappige räödselkes en möpkes, prachtige sjiminkverbeelding van Aad-Uuleprins Ton II, Ottokerke en een kleurplaat van Juulke 't Uulke. Mer och kint geer laeze wat geer dit jaor oppe Kienermiddag moog verwachte. Zó l't weer net zo gries waere es veurig jaor? Laot uch mer verrasse!

Daonaeve höbbe veer och nuuj zake.

Waat tunk uch van meuvelijke puzzels en prachtige sjtripverhaole die door kienjer van OBS Aan de Roer zeen gemaak. Ouch ein eige verhälke van eine echte Uulewapperfan kint geer laeze. En wat dach geer van ein lekker resep es geer van lekker aete en knöddele in de keuke haajt!

Zowiej geer zeet genög te laeze en te belaeve.

Veer winse uch väöl plezeer mit deze nuuje Uulewapper en veur sjtrakkes te gekke en coole vastelaovesdaag!

Redaksie Uulewapper



# JUULKES PLAETJESBOOK



# "ALAAF, LAOT ÓS MER SJUVE MIT DEES DAAG!"

Det is de liefsjpreuk van oze nuuje Sjtadsjeugprins Goof I Vilters, dae dit sezoen, same mit zien twee adjudante Luc Bothmer en Jimmy Slats, de Remunjse jeug en Sjtadsvastelaovesvereniging D'n Uul moog veurgaon es Goof d'n eerste. Mit z'n drieje höbbe ze allemaol ein uigske oppe vastelaovend en wille ze same heel väöl plezeer belaeve dit kómmende vastelaovessezoen, waat ouch nog ins lekker lank is, want Goof I zien Prinssjap doert toet begin meert.

## GOOF I VILTERS Jeugprins van D'n Uul 2011



Goof Vilters waerde gebaore op 20 jannewarie 1999 in Vinlo, 't Jocusriek, en hae waerde getaoge op 't Munsterplein in Remunj. Hae is de zoon van Aad-Sjtadsprins Danny & Janine Vilters en Goof is 't breurke van Beau (13), Loek (9) en Toss (8). 't Prinselik gezin woont noew prinsherek op de Roodakker aan 't voetbalveldj van SHH in Herte.

Goof ziene pap Danny is, wiej gezag, Sjtadsprins van D'n Uul gewaes in 2009, in det zellefde jaor is Goof Jeugprins van SHH in Herte gewaes, vanaaf det moment haet Goof Jeugprins van D'n Uul wille waere en haet d'r al kinne oefene veur 't echte wirk. Noew dus is 't dan zowied, Goof I is Sjtadsjeugprins van D'n Uul in 't jaor 2011.

Oze Jeugprins geit, net wiej anger kienjer, ouch nao sjool. Goof zit in groep 8 van de Sjteine Brök biej meister Han, avel zien echte hobbie is voetballe biej SHH in Herte in de D2, mer ouch haet d'r inkele jaore biej VVV-Vinlo voetbal gespeeld, jaomer genög is d'r dao aafgevalle. Achteraf is Goof waal blije, want angers had d'r waarsjienlik gein Jeugprins van D'n Uul kinne waere. Goof haet ein sezoenaskaart van VVV-Vinlo en hae geit same mit ziene pap waal ins kieke nao ein voetbalmetsj van VVV.

Ein anger hobbie van Goof is kómpjoetere, en dan mit name "Habbo", zien favoriete aete is kaokwórs en de tosties van de grootmoder van adjudant Luc Bothmer. Hae hilt veral van de meziek op radio 3 en wiejer kiek d'r op tillevisie gaer nao "Benidorm Bastards" en "Jackass".

De liefsjpreuk van oze Jeugprins is "Alaaf, laot ós mer sjuve mit dees daag!", dit is een kómbinasiej van voetbal en vastelaovend, zien hoesorde is dan ouch ein sjuufpuzzel en det haet neturelik alles te make mit sjuve.

Goof haet d'r óngluiflik väöl zin in en hae sjipits zich veral op 't oetrope, de kirmes äöpene op zaoterdaag, sjíók haole veur d'n optoch, d'n optoch zellef op vastelaovesmaondaag en óm de resepsie te bezeuke van Jeugprins Marlon I van de Haofgengers, want ziene vrundj Daan Wolfhagen is dao adjudant.

Goof haet ein baere kóndisiej en det mós-se waal höbbe in zón lank sezoen en mit zón drök pergram. Toch kint Goof d'n eerste dit neet allein, hae waert biegesjtaon door twee gooij vrunj van hem.

Dees twee adjudante gaon ich noew ein veur ein aan uch veursjtelle.

De **eerste adjudant hit dus Luc Bothmer** en waerde gebaore op 2 december 1998 in Remunj.

Zien elders heite Ger & Inge Bothmer en Luc haet ein zöster, Anne (14).

De grootvader en grootmoder van Luc, Henk & Bep Bothmer, zein gein ónbekinde biej D'n Uul, ziej höbbe vreuger jaorelank kefee "Nationala", oftewaal 't Uulenès, gehad.

Ouch Luc zit in groep 8 van de Sjteine Brök biej meister Han. Luc duit, net wiej Jeugprins Goof, voetballe biej SHH in Herte in de D2 (sins kórt), anger hobbies zeen kómpjoetere en fietse.

Hae haet mitgedaan aan "Ride for the roses", det is fietse veur

't gooij doel, en haet daomit heel väöl geldj opgehaald, maar leefs 1567 euro!

Hae lös kluntjesmik en tortellini's heel gaer, zien favoriete meziek is dae van "AC/DC".

Luc haet d'r ech zin in óm adjudant te moge zeen biej Goof I en hae sjipits zich eigelik op alles, mer vernamelik op 't oetrope en d'n optoch. Belangrik is netuurelik det ze mit z'n drieje väöl plezeer höbbe same. Kórt veur ein voetbalmetsj van de D2 van SHH haet Goof Luc gevraog of hae adjudant wól waere, dao haet d'r neet lang euver hove naodinke.

De **tweede adjudant hit Jimmy Slats** en waerde gebaore op 23 september 1998 in Remunj.

Zien elders heite Tonny & Conny Slats en Jimmy haet ouch nog ein zöster, Julie (14), ziej woné zón bietje ónger de tillevisietore in Remunj.

Jimmy zit, net wiej Goof en Luc, ouch in groep 8 van de Sjteine Brök biej meisteer Han.

Jimmy zien hobbies zeen breakdance en hip-hop danse, mer ouch voetballe, basketballe en kómpjoetere. Hae hilt van de meziek op radio 3 en zien favoriete aete is petatfriet.

Jimmy is d'r greujts op det d'r adjudant is van Goof en vinjt 't eine ganse eer, hae haet d'r dan ouch óngluiflik väöl zin in. Hao sjipits zich op 't oetrope en d'n grote optoch, mer ouch op de anger bezeuke en ivvenemente.



Mit z'n drieje höbbe ze d'r bezónjer väöl zin in, de take van de adjudante zeen al bienao verdeilt, dus laot ze mer sjuve en laot de vastelaovend mer kómme.

Ich bön d'r dan ouch van euvertuug det dees jónges 't gans gaon make mit z'n drieje.

Ich wins Sjadsjeugprins Goof d'n eerste van D'n Uul en zien adjudante Jimmy en Luc bezónjer väöl plezeer en een sjitterend vastelaovessezoen toe!

Det alles ónger ziene liefsjpreuk :

**"Alaaf, laot ós mer sjuve mit dees daag!"**

Erik Snoek,  
Kemissie Jeugprins D'n Uul



# GOOF

*dr. Eerste*

Sjtadejeugprins van Remunj

Bij de graciej van Sjtadsvastelaovesvereniging Dn Uul  
in t jaor 2011.

Gebaore in t Jocusriek mer getaoge op t sjone Munsterplein  
en noew wonende aan t wetsbalveldj in Herte.

Zoon van Aad Sjtadsprins Janine en breurke van Beau Leek en Toss.

Gaeve uch hiebij te kinne en te versjtaon:

det veer heel get jeug laote sjuve des daag  
det veer ouch ein paar daag zonger eine voetbal kinne  
det mien Adjudante Jimmy en Luc de beste gjuvers zeen

det veer jongk en aad bezig haje  
det veer ouch zonger n neutje kinne sjuve  
det veer uch kinne zegke, zeuk t uch mer oet

det veer des daag de sjteine brögk veurbiej sjuve  
det veer t sjpeel sjpele wiej t zich heurt  
det veer zowaal in Herte es in Remunj kinne sjuve

det veer uch laote zeen wiej eine echte Uul der oet zuut  
det veer uch kinne zegke: Veer zeen dr klaor veur!  
en det alles onger ore liefsjpreuk:



AAD  
LAOT OS MER SJUVE N'T DEES  
DAG

# MOPPE



"Jaomer", zaet de 5-jöörigé Els taege zien aeveaad vriendje Bas, "ich kin neet mit dich trouwe es ich groot böñ".

"Woróm neet?" vreug Bas.

"Omdet ze in mien femielijc allein onger ein trouwe: mama mit papa, oma mit opa en tante Trees mit ome Jan".

**Ome Piet haet eine eeuwigdoerende kelender.** "Ome Piet" zaet zien naefke, "kint geer aeve kieke veur mich op wat veur eine daag ich 70 jaor waer?" Zaet Ome Piet "op eine dinsdaag jöng".

"Gelökkig", zaet zien naefke, "op dinsdaag mot ich altied nao pianoles en omdet ich dan jöörig böñ hoof ich neet te gaon!"

Eine aolifant en ein muuske zeen same aan de wanjel. Zaet de aolifant "Witse muuske ich verbaas mich d'r al eine tied euver des doe zo klein bösl!". Fluustert 't muuske trök "Doe mos d'r waal raekening mit haaje det ich pas 3 waeke krank böñ gewaese".

Ein sjieke mevrouw zit ein ieske te aete biej Zilli. Geit de deur aope en kump eine hondj binne dae zich ein vanille-ieske besjtëlt, 't op it en weer vertrèkt.

De sjieke mevrouw is sjtómverbaasd en zaet "Vraemp woh?"

"Jao zeker" zaet meneer Zilli, "heel erg vraemp want angers besjtëlt hae altied ein sjoklade-ies".

"Höbs doe dien verkering oetgemaak omdet dien maedje eine bril is gaon drage?" vreug Bert.

"Nae juus angersóm" zaet Sjarel, "sins het eine bril dreug wilt 't nieks meer mit mich van doon höbbe".

De lètste tied kump Hans sjteeds oppenuuj biej de drogis een aafsjlankmiddel koupe. Vreug de drogis wo veur Hans det neudig haet. Zaet Hans "det is veur miene knien want miene pap wilt hem sjlachte es hae vet is".

Zaet de meister kwaod taege Kees "doe höbs dus gevochte mit Klaos! Waem van uch is begós?" "Klaos meister", zaet Jos, "want hae haet es eerste trök gehouwd".

**Eine zjwarde poedel rent achter 2 katte aan.** Mer de katte renne zo hél det de poedel 't opguf en oetsjtjeit mit achter ze aan te renne. Toevallig kiekt ein kat óm en zuut eine witte poedel. "Renne en flot", miauwts-taege de anger kat "want dæ poedel haet zienejas oetgetrokke".

In de trein zit ein aaj mevrouw taegeneuver eine jöng dæ de ganse tied op ziene kauwgum zit te kauwen. "Jöng," zaet de aaj dame "t haet geine zin desse taege mich sjpriks want ich böñ zo douf wiej eine kwartel".


Zaet Jantje taege zien moder: "Mama ich wól det mien sjoolklas róndj waas!" "Wiej zo?", vreugt zin moder. "Nou", zaet Jantje, "dan hoof ich nooit meer in 'de hook te sjtaon".



# PUZZELS

door groep 7 en 8  
van OBS Aan de Roer

Welke waeg geit nao 't Fees?



Oplossing: Waeg nr. 5

Rebus



j=v



-kering


ove  
la



eus=d

Oplossing: Vaste laovend

Waordsjlang



Zit de wäord in de juuste volgorde.  
Eder nuuj waord begint mit de lètste lètter van  
't waord d'r veur. Welk waord blief euver?

Steek  
Jeugdprins  
Sjmienk  
Nar

Kar  
Optoch  
Remunj  
Kloon

Oplossing: Optoch

## Waardzeuker


R	S	O	Q	a	d	g	y	d	a	a	t	e
a	e	P	Z	p	e	l	s	w	p			
I	Z	m	j	R	Z	Z	x	a	i	n	R	n
a	y	i	u	i	v	K	I	C	m	v	i	u
a	I	x	w	n	n	o	v	h	a	n	n	u
R	S	P	R	S	j	P	R	i	n	g	s	j
j	e	a	g	p	R	i	n	s	G	h	e	e
m	L	e	e	d	j	e	f	e	d	s	k	
K	i	e	n	j	e	R	m	i	d	d	a	g
n	k	d	a	p	s	e	z	o	e	n	c	
d	g	u	e	j	t	s	e	e	f	l	a	B
V	a	s	t	e	l	o	a	V	e	n	d	j

Remunj  
Prins  
Vasteloavendj  
Sjpring  
Jeugprins  
Lach  
Dans  
Adjudante  
Leedje  
Feest  
Prinses  
Alaaf  
Jeugd  
Sezoen

## Sudoku

Vul in eder veerkantj de siefers 1 t/m 9 in, lèt op, ziej moge horizontaal en vertikaal mer eine keer veurkòmme en ouch in 't veerkantj wodet ze in sjtaon.

			7			3	8	
			4			6	9	
8	4	2	9					
	1	4		2	7			
9			5	4		1	8	
6				9				
	3				5	4		
3	9	5				1		
					7			



Zeuk de 10 versjille



# KÓMP GEER ALLEMÀOL NAO DE

De Touverbookwinkel? Waat is det dan noe weer, zoolt geer uch aafvraoge? Nou, det is geweun eine hele sjpesiale winkel wo se heel sjpesjaal geweune beuk kins koupe. Det is eine winkel wo se kins touvere en wo getouverd waerd. Eine winkel wo se dien fanteziej de vrieje loup kins laote. Wo se oere lank kins rondj dwale tösse heel väöl dieke en dunne beuk. Wo se zo gezap kins wegdruiime tösse allerlei leve en griezelige sjprookjesfigure. Det is eine Touverbookwinkel. Ein saort kruutsing tösse eine geweune bookwinkel en de bieb ...mer dan angers.

D'r kint zo väöl in dae bookwinkel omdat de kienjer dao fanteziej höbbe. Fanteziej, det is een saort van touvere. En fanteziej mot ouch ederein mit de vastelaovend höbbe, want zónger fanteziej keine Prinsesjpreuk, keine optoch, gein pekskes, gein leedjes, nieks. Mer wiej kómme de kienjer in de bookwinkel aan diej fanteziej? Kriege ze det van de snoepjes oet de sjlókpot oppe toonbank? En wiej kint 't det de winkel d'r naeve, zo'ne saaije kleijerwinkel is, wo bienao nieks waerd verkoch? Höbbe die dan keine sjlók om oet te deile?

10

Wilt geer wete of de luuj van de kleijerwinkel de fanteziej biej de Touverbookwinkel kinne sjtaele, of erger nog....? Wilt geer weite of veer dit jaor in Remunj weer eine fanteziejrikee vastelaovend kriege of eine hele duffe saaije? Kóm dan nao de Kienermiddaag 2011!



# TOUVERBOOKWINKEL?

Ouch dit jaor is 't verhaol gesjreve en geregisseerd door Hans van Bergen en haet Hans Leijendeckers de leedjes gesjreve. Kint geer uch nog 't verhaol en de leedjes van de Prins van Gries van veurig jaor herinnere? Dit jaor waerd de Kienjermiddaag minstens zo sjoon en zo sjpannend. Zeet geer veurig jaor neet kómme kieke? Vraog pap en mam dan om dit jaor waal te gaon, want 't verhaol is och goodgekeurd veur grote miense.

Op 27 fibberwarie is 't dus weer zo wied. Nao de audiesie op 't inj van oktober zeen d'r weer zo'n 66 kienjer en grote luuj bezig gewaes mit de veurbereidinge veur twee sjitterende veursjtellinge in de Theaterzaal van de Oranjerie. Bienao de hèlf van de kienjer doon veur 't eers mit en d'r zeen weer ein aantal talente biej! **De eerste veursjtelling is om 14.00 oer en de tweede om 16.00 oer.** Antreekaarte zeen te koup biej de Oranjerie.

En nao de veursjtelling kint ederein zich nog get drinke in de Salle des Fêtes. 't Programma van de naozit kinne veer nog neet verklappe, mer ouch daa zal de fanteziej ein grote rol gaon sjpele. Nuusjerig? Dan kóm ouch, allemaal, nao De Touverbookwinkel!

PR Kienjermiddaag D'n Uul





# Sjnapsnaazebal

thema: sjprookjes

12 →  
Zaoterdaag 5  
zónndaag 6 maondaag 7  
en dinsdaag 8 meert  
van 16.00 - 20.00 oer

in 't Witte Kirkske  
in de Veursjtd

antree: veur niks

D'n Uul Remunj



# WAAT MGS OTTOKERKE EN VENETIE ???

Gravin Eulalia, de moeder van Ottokerke, stond met een lang gezicht, voor het venster van haar kasteel naar buiten te staren. Graaf Ottokar, de vader van Ottokerke, die neef haar stond, vroeg bezorgd waarom zij al de ganse dag zo nut keek.

"Dat zal ik je eens vlot vertellen", zei Eulalia. "Over een paar dagen is het vastelaovend en ik heb nog gaaruit niets om aan te trekken en die sjmienk wil ik ook niet meer op mijn gezicht, daar krijg ik alleen maar broebele van".

Graaf Ottokar knikte en dacht lang drover na. Tenslotte riep hij Ottokerke derbij en vertelde hem dat zijn moeder met vastelaovend altijd broebele kreeg. "Nou" zei Ottokerke, "dan zet ze zich toch gewoon een maske op!"

"Toch niet zo'n ordinair maske op mijn adelik gezicht!" riep Eulalia woedend uit en ze werd wie langer wie neuteliger.

"Lieve Eulalia, mijn duufke" zei graaf Ottokar, "bedoe je nu maar niet, ik koop voor jou het allermooiste maske van de ganse wereld!"

Het gezicht van de gravin trok helemaal op. Ze ging get doonder bij graaf Ottokar staan. Met haar allerliefste stemmetje zei ze dat men de allermooiste maskers in Venetië kon kopen en ze begon graaf Ottokar eens flink te knoevele.

Efeng, om een lang verhaal kort te maken, sanderdaags zaten ze alle drie in het vliegtuig richting Venetië.

Onderwijl had graaf Ottokar een sms-je gestuurd naar zijn Venetiaanse vriend Don Filippo Mascarpone, dat hij met zijn vrouw en kind onderweges was. Don Filippo sms-de drek terug dat hij zich sjpitste hun weer eens te ontmoeten en dat ze de Vaporetto St. Marco moesten pakken.

"Een Vaporetto?" zei Ottokerke die peeps zag van de honger, "dan kunnen wij ons daar eens goed aan begaaje". "Een Vaporette kun je niet eten" zei graaf Ottokar, "dat is een waterbus en omdat er in Venetië geen bussen over de straat kunnen rijden varen ze dus over het water".

Efeng, om weer eens een lang verhaal kort te maken stapde Ottokerke met zijn ouders bij het St. Marcoplein uit de waterbus. Daar stond in vol ornaat Don Filippo, zijn vrouw Donna Diavola en dochter Donnetje Margarita hun op te wachten.

Nadat ze elkaar met alle egards begroet hadden, stootde gravin Eulalia graaf Ottokar aan. "Zeg, vind je ook niet dat hun Donnetje een echt sjnoebeltje is, krek iets voor ons Ottokerke! Misschien kunnen wij die twee aan een plekken, want echte adel kun je allewijles ook maar met een lempke zoeken". Graaf Ottoker had dat ook al in de gater. Zo werden



Ottokerke en Donnetje Margarita sanderdaags in een gondel gezet. De gondelier zong voor hun de allermooiste liefdesliedjes en allebei waren ze gans van de wap af.

Onderwijl kocht gravin Eulalia de mooiste maskers van de wereld en een schitterend kleedje van krêpe zjorjet. Graaf Ottokar had na het winkelen de knuip aaf en geen cent meer op de tes. Blij en tevreden namen ze afscheid van de familie Mascarpone met de belofte dat ze het volgend jaar get langer in Venetië zouden blijven!

Riet Hamers-Gubbels



De sjoonste deeretuin van Holland lik in ós Limburg. Benuujd ware veer nao de uule die dao wone, waat zie aete, wie ze verzorg waere en nog vanalles meer. Veer intervjoewde Hanneke de Boer van 't GaiaPark en hèt wis ós heel väöl te vertèlle euver häör uule.

# De uule van 't

## Hiej kumpt 't verhaol:

In 't Gaiapark wone op dit moment 5 versjillende saorte uule: 6 rans-uule, 6 kirk-uule, 2 laplandj-uule, 2 sjneej-uule en 2 europese oehoe's.

Zie kriege óngeveer 5 maol in de waek te aete. Aaf en toe höbbe zie eine "balansdaag" wo op zie nieks te aete kriege. Dit is heel belangriek veur de uule omdat zie in de vrieje netuur ouch neet altied dageliks aete kinne vinje.

De verzorgers gaon waal edere daag aeve kieke wie det 't mit de uule geit, of der nieks geks aan de handj is, zo es beveurbeeld: krank zeen, 't aete neet opaete, etc.

Eine uul it veural knaagdeere, zo wie: retjes en muuskes. De oehoe vink in 't wildj ouch dökker eine eechel of eine knien, mer dae krieg hae in de deeretuin neet te aete, helaas! Uule kinne redelik aad waere. Zeker in de deeretuin wodet ze gein gevavor loupe. Eine sjneej-uul 30 jaor en eine oehoe waal 60 jaor. Aafhankelik van 't saort en

de greutte van de uule kinne ze same in een verblijf laeve. In 't GaiaPark wone beveurbeeld de rans-uule en de kirk-uule gezellig bie ein en es naobers höbbe zie twee laplandj-uule en gelökkig guf dit helemaol gein probleme.





# Gaiapark

Veurdet uule, uulkes kriege, moge ze  
óngeveer 4-5 waeke breuje.

'T Sjone is det eine uul geliek naodet ze  
't eerste eij gelag haet, begint mit breuje,  
terwiel de volgende ejer mesjien waal  
inkele dage later gelag waere.

Veur de jóngste uulskuukskes (uulkes  
die es léste waere gebaore) is 't dan  
ouch vaak meuvelikker om aete te kriege  
omdet de aajere breurkes en zösterkes  
al ein sjtok groter en sjterker zeen.

Es léste vertèlde Hanneke ós det neet  
alle uule sjnachs actief zeen.

D'r zeen ouch väöl uule die in de  
sjemering actief zeen.

D'r is ein sjoon foefje om te weite  
wanneer eine uule actief is en det is de  
kleur van de ouge.

Uule mit gaele ouge zeen euverdaag  
actief (sjneej- en laplandj-uul)

Uule mit oraanje ouge zeen in de  
sjemering actief (oehoe's en rans-uul)

Uule mit broen-zjwarde ouge zeen  
sjnachs actief



15

**Veer haope det geer weer get wiezer  
zeet gewaore en veer bedanke  
Hanneke veur de oetgebredie oetlik  
euver de uule van 't Gaiapark.**

# DIT JAOR WAER ICH ...

Op eine kaaje daag, al hiej en  
dao eine Zjwarde Piet oppe  
sjtraot, kump ome Ton II Nizet,  
aad Uuleprins, weer sjmienke.  
Driej uulekienjer sjtaon te  
trappele .... allemaal van  
de Sjteine Brök. 't Zeen Tom  
Geenen, Maja Geraads en Noor  
v/d Varst.

## TIEGER

(Tom Geenen, 4 jaor)

1



Maak mit ein middedoorn geknip sjpunske  
2 witte vlekskes op de ougdèksels (oogleden)  
toet aan de ougsbraoje (wenkbrauwen) en  
1 vlekske baove de móndj.



2

Naem ein sjpunske mit bronze sjmienk en  
maak 't ganse gezich brons, daonao hiej en  
dao ein vaeg kopere sjmienk.

Maak de ougsbraoje door mit ein penseel  
grote sjtreepkjes vanoet 't wit te trèkke.

Maak mit dónkerbroen ónregelmäötige  
vlekskes euver 't ganse gezich.

3



Maak mit zjwart ein lienke  
óm de vlekskes haer, mer  
maak ze neet toe! (höbbe  
echte tiegers ouch neet!)

Maak 't puntje van de naas zjwart, ónger  
de naas trèk se ein zjwart sjtreepkje en  
naeve de naasvleugels en zjwart lienke.  
Grrraouw!! De tieger is klaor óm zien  
klouwe oet te sjlaon!

# VLINDER

(Maja Geraads 6 jaor)

1



Teiken mit knalroze tweej vleugelkes róndj de ouge en nao ónger euver de wange. Mit ein penseel maak se róndjóm ein paars lienke.



2

Mit ein penseel maakse lichblouwe puntjes aan de binnekantj van de vleugelkes. Dan duisse veur de bleumkes eers de ganse penseel in de witte sjmiek dippe en dan geliek daonao de puntj in de roje sjmienk dippe. Dan hilsse 't penseel plat op 't gezich en duujse de penseel vanoet een middelpuntj horizontaal en det nao alle kantje. Zo kriegse sjone blomeblaedjes.

3



Maak mit ein penseel mit zzwarte sjmienk róndjóm de vleugels ein lienke en ouch tösse de lichblouwe puntjes door. Teiken oppe naas ein ómgedreijd oetroopteiken. Maak tékskes greun róndjóm de bleumkes en verbinj diej zo mit ein. Noe nog ein bietje roze oppe lippe en klaor is de vlinder!

# CONFETTIEMASKE

(Noor v/d Varst, 5 jaor)

1



Mit ein sjpunske lichblouw maakse ein maske róndjóm de ouge en det leutse nao ónger toe euverloupe nao wit. Baovenaan maakse ein dónkerblouw lienke.



2

Naem wattesjtékskes en maak hiej mit euver 't ganse maske bólkes van roze, greun, oraanje, wit en gael..

3



Maak mit ein penseel serpetinesjlingerkes in alle kleure doorein baove en aan de ziejkantje van 't maske.

Maak de mondj knalrood en trèk toet besjloet mit ein heel dun penseelke ein sjmaal zjwart lienke net baove dien wimpers ..... waal de ouge aeve toe haaje óm de sjmienk te laote dreuge.

En wat tank uch van dit prachtig confettiemaske!



2007  
Kai I en  
adju Daan



2008  
Steef I en adju's Sten en Chico

## GALERIE VAN (AAD)JEUGPRINSE MIT HÄÖR ADJU'S



2009  
Raf I en  
adju's Bart  
en Jeroen



2010  
Jesse I en adju's Justus en Daan



2011  
Goof I en  
adju's Luc en  
Jimmy

# GARDEMAEDJES 2010

## Kienjergarde

Indy Evers  
Katja Boersma  
Eefje Heerema  
Melanie Hendrix  
Maureen Moeren  
Luna Lambriex  
Dene Roncken  
Bo van Rijt  
Britt Simmons  
Fleur van der Varst  
Maud Verstappen



## Jeuggarde

Kirten Coenen, Robin Coenen, Iva Eijck, Sanne Evers, Femke Anne Favre, Fleur Favre, Vicky Geurts, Ashley Huisman, Claire Lambriex, Dimfy Lambriex, Yvette Meijs, Fabiana Prestagiacomo, Felicia Prestagiacomo en Danique Wevers

# VIVA LA PIZZA

Ragazzi.....!!! Jónges en maedjes.....

Veer prizzentere uch ein heel nuuj óngerwerp in oze

Uulewapper: Veer gaon kaoke!!

Waat vinjt geer d'r van es geer mit de vastelaovesdaag uch  
hendjes ins oet de moewe kint sjtaeke en eur elders kint  
verrasse mit get lekkers op taofel. Én, waal helemaol door uch  
zelf in ein getouverd. Oké, veur de hele jonge kienjer ónger  
uch is 't waal versjtenjig om pap of mam ein bietje mit te laote  
helpe.

Omdet veer in "Italiaanse sfere" zeen,  
hadde veer ós bedach om eine heerlikke  
pizza mit uch te gaon make. Altied  
lekker, zo net veur de optoch!

20



Waat geer neudig höbt veur 4 pizza's:  
250 gr. maed  
1 t-laepel zalt  
1 zekske gedreugde ges  
150 ml louw water  
1 fles temate saus (tomatenpassata)  
zekské gedreugde oregano of inkele blaedjes  
verse oregano fien gesjneje  
bakpeper



*Es belijk, beveurbeeld:  
 100 gr salami dreugwórs  
 klein blikscé ananassjtökskes  
 100 gr gekaokte sjónk  
 get oje sjnippers, bv. van 1 ooj  
 klein blikscé tonien  
 zekske zwarte of greune olieve zónger pit  
 geraspte parmezaanse kees, zo väöl es ze  
 wils*

Es eerste sjtarte veer mit 't make van de deig.  
 Los de ges op in 't louw water. Sjöd 't mael in ein bergske op 't aanrékblaad en sjtruij 't zalt d'r euver. Maak in 't midde van 't mael ein kuulke en geet hiej ein bietje van 't gesmingsel in. Sjtart noe mit 't minge van 't mael en 't gesmingsel mit dien henj. Geet ederskeer ein bietje van 't gesmingsel d'r biej. Good minge toet alles van 't gesmingsel is opgenaome door 't mael en 't deig verder knaeje toet det ze eine sjone bol deig höbs. Dit knaeje duis ze óngeveer 15 menuute. Maak noe mit ein mets ein kruuts baove op de deigbol en laot 't deig 3 oer röste en rieze in eine kómp wodet ze eine handjdook euver haer liks. Zit de kómp op ein werm plaats.

**Verwerm de aove veur op 180 graode.**




Besjtuuf 't aanrékblaad mit get mael. Rol 't deig oet mit eine deigriller toet det ze eine dunne lap deig höbs. Lik deze lap deig op ein bakplaat, die ze eers bekleids mit bakpepier, en prik mit ein versjet gaetjes in 't deig. Noe kin ze d'r de temate saus op doon (neet te diek want dao waerd 't deig sjlap en tej van) en ivventueel get gedreugde/verse oregano. Es belijk kin ze d'r noe op doon waat ze zelf wils; salami, gekaokte sjónk mit sjtökskes ananas, tonien mit oje en olieve.... Es lèste struij ze d'r parmezaanse kees euver en bak ze de pizza in ± 20 menuute gaar op 180 graode. En noe sjmulle maar, of zo wie de Italiane zégke:

***Buon Appetito!!!!***

21



# Wie j teikense eine uul?





23

# KLEURPLAAT

# Veneziaanse



Zo wie det geer vas al gezeen höbt, knipouge veer dit jaor ein bietje nao 't landj Italië in deze Uulewapper. Det ze in Italië ouch ein saort vastelaovend viere wis geer mesjien al? Veural in de sjtad Venetië weite ze heel good wie det ze zich op ein super sjieke meneer kinne kleije en zich onherkinbaar kinne make mit fantastiese maskes.



# masks



Waat ós noe ins super intersant leek is det: wie waere dees masks gemaak? De redaksie ging 'op zien italiaans' op zeuk en kwaam toet de volgende óntdekking.

**Ten eerste:** maakt men van grieze kleij ein "kleij-model" (op gelieke greutde model nao greutde van 't gezich wo det 't veur gemaak waerd). Dit model sjpöt men in mit ein bietje was (om 't vasplekke, bie de volgende sjtap: 't vergiepse, te veurkómme).

**Ten tweede:** d'r waerd mit ein bepaold saort gieps ein laog euver baovesjtaond kleij-model gegaote ( $\pm 2$  cm diek). Es 't gieps good hel is dan waerd 't kleij-model ómgedrejd en waerd 't kleij-model oet 't gieps gehaold.

**Ten derde:** waerd de noe óntsjtange giepsmal ouch weer eers ingesjpaote mit sjputboenwas of vaselien. Hie op waere sjtökskes, gesjeurd, dun en mit vocht opgenaome, pepier gelag. Dees sjtökskes pepier zeen eers ingesjmeerd mit behangpleksel. Zie waere es eerste laog good in alle runjingé en holtes good aangedrökt. Es de eertse laog kómpleet is, waerd d'r mit eine kwas houtliem euver aangebrach. Danao volg d'r nog einzelfde laog van pepiersjtökskes en houtliem. De mal moog noe ein paar oere dreuge.

**Ten vierde:** 't nuuje pepiermaske waerd oet de mal gehaold en waerd lich opgesjoerd toet det 't heel sjoon glad is.

**Es lèste,** veur det de verseersele waere aangebrach, waerd d'r ein witte laog verf aangebrach die ouch es óngergrondj deent. De ouge en de móndj kinne ivventueel waere oetgesjneje én d'r waere aan weerszij van 't maske lintjes gemaak om 't te kinne drage. Het basismaske is noe klaor.

Noe is 't de eer aan de krejatiieve verseerder wie sjiek, sjpesjaal en kleurriek hae/zie 't maske aaf maakt. Veur dees verseersels kan vanalles gebroek waere zo es: verf, blaadgoldj, sjtóf, kralle, etc.

Moch geer noe mit de vastelaovend of tiedes eur fekansies örges dees masks zeen, weit geer allemaal wie det ze gemaak zeen!!

Veer höbbe nog get sjoon plaatjes geplaat wo op geer ze alvas kint bewonjere.



# Waat sjtejt dao?



1. HAE HAET ALLEMAOL BROEBELE IN ZIEN GEZICH.
2. EIN DIEKE SJTRÓNTJVLEEG ZOOT OP DE HÓNJSKEUTEL.
3. 'T GARDEMAEDJE HAET HOONDERVEL VAN DE KAAJ.
4. DE SJTRUUUK MÓTTÉ INGETOEP WAERE.
5. DE WINTJER HAET ZIENEN INTRAEJ GEDAON.
6. WAAT HÖBS DOE DET ROEPETIG GEDAON!
7. DE SJEBRANG VAN DIEJ DE DEUR IS SJLECH GESJILDERD.
8. IN DE KELDER IS 'T ZAKKEDUUSTER!
9. SJAREL SJNOEFT ZICH DE NAAS IN EINE TESSEPLAK.
10. DAE SJTANK BENUMP MICH DE AOM
11. OP BERVESE VEUT KWAME DE KIENJER DE TRAP AAF.
12. DE DEFTIGE DAME DUIT HÄÖR BOODSJAPPE IN HÄÖRE KALLEBAS.
13. DRINKS DOE OUCH LEVER SJOEKEMEL ES BÓTTERMÈLK?
14. ICH HÖB ÓNGERHALF OER GEWANJELD!
15. DAE JÓNG KREEG EIN PAK PREUGEL!

Aom	: adem
Bervese veut	: blote voeten
Bóttermèlk	: karnemelk
Broebele	: pukkel, puist
Hoondervel	: kippevel
Ingetoep	: getopt / ingekort
Intraej	: intrede
Kallebas	: boodschappentas met hengels
Óngerhalf	: anderhalf
Preugel	: pak slaag, pak rammel
Roepetig	: slordig, wanordelijk
Sjebrang	: deurkozijn
Sjoekemel	: chocomeel
Sjtróntjvleeg	: strontvlieg
Tesseplak	: zakdoek
Zakkeduuster	: stikdonker



# Räödselkes

**Waat is greun en kump skiejend de berg aaf?**

Eine skiwi

**Waat is greun en rolt de berg aaf?**

Ein slawine

**Waat is greun en drief?**

Andrijvie

**Waat is greun en plèkt?**

Kermit de sticker

**Waat is greun en kinsse neet zeen?**

Ein erwjtje det óm de hook sjteit

**Woróm ligkt eine knien 's aoves al zo flet in bed?**

Omdet hae mer 2 tenj hooft te poetse

**Woróm zjwumt ein haaij allein mer in zaat water?**

Omdet ze van paeper motte neeste

**Woróm gaon katte neet nao boete es 't raegent?**

Omdet 't dan hónjswaer is

**Woróm is een aerbees rood van kleur?**

Omdet ze zich sjamaat veur häör broebele

**Woróm lacht eine kebouter es hae voetbalt?**

Omdet 't graas hem ónger de erm kietelt

**Woróm goojt ein dóm blondje broodgreumels in de WC?**

Om de WC-eendjes te vore



D'N UUL PRIZZENTEERT

# Uulejeugdisko

THEMA: HARRY POTTER

ZÓndaag 6 en Maondaag 7 meert

IN 'T ACHTERHOES IN DE VEURSJAD

VAN 20.00 - 22.30 OER

VEUR ALLE UULEKIENJER VAN 12 TOET 16 JAOR

BINNEKOMME VEUR NIEKS  
TOEZICH AANWEZIG!




# Sjtripverhaole

door groep 7 en 8 van OBS Aan de Roer






# Sjtripverhaole





door groep 7  
en 8 van OBS  
Aan de Roer





# Aad-jeugprins Jesse I kiek trök

Ouch dit jaor kieke veer mit de aad-jeugprins van 't aafgeloupe jaor trök op zien prinssjap. Dus net veur de grote sjoolfekansie fiets ich richting Kepel. 't Is dae aovend nog lekker werm. Op zeuk nao 't oethangbord van d'n Uul zeen ich det inins aan mien linkerhandj versjiene. De kriebels vlege door miene boek.... Ich bel aan. Dao is Jesse mit eine grote glimlach (dae glimlach deej heel get maedjesherte 't aafgeloupe vastelaovessezoen flotter kloppe!). Veer gaon os lekker boete zitte en sjture idderein weg zodet veer ongesjteurd mit ein kinne praote.

*Waat höbse 't lèste kerteer gedaon veurdet se waerdes oetgerope?*

**Jesse I:** Ich sjting mit mien mam oppe maedjes-wc. Dao sjtinge ouch allemaal de taikwandomaedjes. Ich dach: o jee, dalik zeen die mich!

*Esse nao ein resepsie gings wiej bereidde se dich dao dan op veur? En wat veur ein kedo goof se dan?*

**Jesse I:** Same mit mien mam sjreef ich get sjtaekwäördjes op. Beveurbeld waat de hobbies van de prins ware enz. Ze krege allemaal eine handdook kedo omdat ich van sjporta haaj en dit ouch in miene sjpreuk nao veure kwaam.

*Waat waas 't allerleukste?*

**Jesse I:** De Sjolefestasie en dan taege al diej miense moge sjpraeke. Geweldig! En de optoch op miene eige prinsewage!

*Waat waas 't allermeujelikste?*

**Jesse I:** Ich weit neet meer biej welke jeugprins 't waas, mer dao kwame veer d' achter det 't ouch de resepsie van de grote

prins waas en det wis ich neet. Höb op det moment get motte verzinne en det waas waal effe meujelik.

*Moge ze dich vraoge veur grote prins?*

**Jesse I:** Jao, vastelaovend blief in mien blood. Dan zól weer eine druim oetkomme.

*Doe höbs vööl kedoos gekrege oppe resepsie. Welk kedo haet grote indrok gemaak?*

**Jesse I:** De glaas-in-lood prinsemöts en eine echte toversjtèk van Perkamentos van mien mam en pap.

*Wiej waas 't om in 't middelpuntj te sjtaon?*

**Jesse I:** Sjpesjaal en sjpannend. Euveral maakte ich d'r ein feestje van!

*Wiej laat waas 't laatste desse in dien bed loogs?*

**Jesse I:** Nao 't aaftraeje van Allard I. Ich moogde dao nog op de bühne en det vonj ich heel sjpesjaal! Wiej laat weit ich neet meer mer 't waas beheurlik laat!



*Waat wilsse nog taege de Uulewappervrunj en de nuuje Jeugprins zègke?*

**Jesse I:** Uulewappervrunj laes de Uulewapper veural nog jaore! Taege de nuuje Jeugprins: Succes en bön neet zenewechtig, 't waert altied een feesje mer bereid dich good veur!

**Leve JESSE I, danke veur 't interview en 't geit dich good!**

# ANGER PLUIMAASJ: DE ROGSTAEKERS OET WIEËRT

Anger Pluimaasj is een rubriek in De Uulewapper wo in zöster-vastelaovesvereniginge aan 't waord kómme womit D'n Uul al jaore eine gooje bandj haet. De Rogstaekers oet Wieërt is zo'n zöstervereniging. Veer vroege de veurzitter van de Jeugkemissie om get te vertelle euver de jeugvastelaovend biej De Rogstaekers.

## Bêste laezers van de Uulewapper

Vae schriëve 't jaor 1653. Jan, 'ne hieële domme mîns uut Wieërt dacht det hae d'n duûvel, in de vorm van e mânster, naeve de wieëg zoog ligke. Alle minse uut de buurt wore d'r beej gehaaltj. Di-j dachte ouch d'n duûvel te zeen. Jan stook nao lang aarzele d'n duuvel aan ziêne reek.



Op dét momênt kwoom de vésboor, dae d'r achter woor gekaome det d'r 'ne rog van zien kér woor gevallen, trôk. Hae lachdjé ederein uit umdét di-j zoeë stom wore det ze 'ne gewoeëne vés vör 'ne duûvel aanzooge.

Dao hebbe de Rogstaekers eure naam aan te dánke.

Hieël völjaore later, namelik in 1950, hebbe de Rogstaekers eure ieérste Jeugdpreeens. Dit jaor hebbe vae de 60ste Jeugdpreeens.

Um in Wieërt jeugdpreeens te kunne waere:

- Mojje in Wieërt geboeëre zeen
- Gae motj in groep 8 zitte
- Wieërts kinne kalle
- Gek zeen vanne vastelaovendj
- Dit tieëge de meister of juffrâw zegke zoeëdet ze det aan de Rogstaekers kunne doeërgaeve

Oeëze jeugdpreeens weurtj in oktoëber op e ludieke meneer gevraogdj. Dan motte tot zien uitroping, oppe Bônte Wichtermiddig in jannewarie, ziene mônd haoje. Det és kej meujlik mér waal hieël schoeën. Zien adjudânte (meistâl vrîndjes) waere inne waek vuuér zien uitroping gevraogdj. Oeëze jeugdpreeens weurtj beejestânge doeér dréj



adjudânte. Di-j wieëte pas 'n oor vuuér de uitroping van weem ze adjudânte waere.

In 'ne volle theaterzaal weurtj de Jeugdpreeens uitgerope. Det gebuuërtj met dâns en meziek. Dao hultj hae de ieérste van zien tôwsprake. De Jeugdpreeens gieët nao alle resepsies en fieuëste woeëdet hae gevraogdj weurtj. Zelf geufij hae vör alle wichter van Wieërt en Limburg 'ne Wichter Fieëstmiddig met völ meziek, dânsse hosse en springe en gratis drinke, sjips en snuik. As dejje vreej zeetj komtj dan zaoterdig 19 fibberwarie nao Wieërt. Vae winse uch allemaal 'ne kej-sjike vastelaovendj tów!

**Met vastelaovendj groet,**

Roger Jansen,  
Kabinetssjef van ziene  
hoeëghheid de Jeugdpreeens van  
Stadsvastelaovendjvereinigung  
De Rogstaekers Wieërt

# Ulewapper-fan Luuk Hendriks aan 't waord



Halloou leef uulekienjer,

Zintj geer ouch weer benuujd waat d'r dit jaor in de ulewapper kump te sjtaon?

Mer eers dit verhaol. Ich vinj t "döbbelintervieuw" altied leuk. Want d'r sjtaon heel grappige antjwaorde in. Want Rafi oet 2009 wis neet wat hae mos keeze biej waat d'r t sjoonste vonj en zei veur t gemaak: "t ganse Prinssjap!!!!!"

En ich vinj diej moppe altied leuk. Waat is eine saxofoon op t daak? Eine daksofoon!! Eine saxofoon heurt biej de vastelaovend of neet? Want meziek heurt der ouch biej. Waat dink geer det juulke zoj gaon sjpele? Ich dink de grote trom, den kin d'r de maot aangaeve.

Wiej laes geer de ulewapper? Ouch van veur nao achter? Ich ouch en neet eine keer mer waal 50 keer 11 keer! Ich num t zelfs mit op vakansie! Veurig jaor ware veer op vakansie nao ein werm landj en toen hej ich alle ulewappers die ich höb aan t zwembad in de zon oetgelaeze.

Zintj geer ouch benuujd waem de jeugprins geit waere? Haopelik waerd t ouch weer eine leuke Prins en eine dieke Ulewapper! Es geer volgendj jaor nog meer verhaole sjrief, den waerd der nog dieker.

Mer eers dit jaor eine sjoone vastelaovend viere. Väöl plezeer!!!

Luuk Hendriks

# COLOFON:

## REDAKSIE :

WIRKGROEP DE UULEWAPPER D'N UUL  
REMUNJ BESJETIT OET  
INGRID EVERA, HOOFREDIAKTRIES  
JEANETTE REIJNEN  
LYAN DE VREESE

## OETGAAF:

SJTADSVASTELAOVESVERENIGING D'N UUL  
REMUNJ  
POSBOS 11, 6040 AA REMUNJ  
[WWW.DN-UUL.NL](http://WWW.DN-UUL.NL)

## VORMGAEVING EN DRÖK: ARS GRAFISCH, REMUNJ

## NOOT VAN DE REDAKSIE:

DE KIENJER DIE AAN DEZE UULEWAPPER  
HÖBBE MITGESJREVE HÖBBE ALLEMAOL  
OP HÄÖR EIGE MENEER EN NAO BÈSTE  
KINNE GESJREVE. DAORÖM HAET DE  
REDAKSIE BESJLAOTE DE TEKSTE ZOWIEJ.  
ZE ZEEN AANGELEVERD, EUVER TE NAEME.  
ALLEIN DAO WO EIN WAORD ÓNLAESBAAR  
/ NEET TE BEGRIEPE WAERDE, HÖBBE  
VEER EIN KORREKSIE AANGEBRACH.

## AAN DEZE UULEWAPPER WIRKTE MIT:

### SJRIEVERS:

NORBERT VAN DOOREN  
INGRID EVERA  
RIET HAMERS-GUBBELS  
KIENJER GROEP 8 VAN JUF MO  
VAN OBS AAN DE ROER  
KIENJER GROEP 7A+B VAN JUF HENRIËTTE  
EN JUF DIANA VAN OBS AAN DE ROER  
LUUK HENDRIKS  
ROEL HENDRIKS  
ROGER JANSEN  
JESSE I LEURS  
TON II NISET  
JEANETTE REIJNEN  
ERIK SNOEK  
LYAN DE VREESE

## TEKENINGE:

JEN GOUDERS (JUULKE 'T UULKE)  
ROB VASTERT (OTTOKERKE)

## FOTO'S :

HARRY ALLERS  
FOTO LUX MULTIMEDIA, RALPH BULT  
ROEL HENDRIKS  
FEMIELIJ LEURS  
MATH DE PONTI  
JEANETTE REIJNEN  
ROGSTAETERS WIEERT  
LYAN DE VREESE



© COPYRIGHT 2011  
NIETS UIT DEZE UITGAVE MAG WORDEN  
VERVEVOUDIGD EN/OF OPENBAAR WORDEN  
GEMAAKT, OP WELKE WIJZE DAN OOK, ZONDER  
VOORAFGAANDE SCHRIFTELIJKE TOESTEMMING  
VAN SJTADSVASTELAOVESVERENIGING D'N UUL  
REMUNJ



# PROGRAMMA UULE-JEUG

**Middaag van de Nuuje Jeugprins**

**Zónndaag 9 jannewarie**

vanaaf 14.11 oer in de Oranjerie

**Resepsie Sjtadsjeugprins Goof I**

**Zónndaag 6 fibberwarie**

vanaaf 14.11 oer in 't Witte Kirkske in de  
Veursjstad

**Kienjermiddaag: "De Touverbookwinkel"**

**Zónndaag 27 fibberwarie in de Oranjerie**

**Veursjtellinge om 14.00 oer en  
om 16.00 oer**

**Naozit in de Salle des Fêtes  
van de Oranjerie**

**Kaartverkoup: theaterkassa  
van De Oranjerie**

**Sjolefestasie**

**Vriedaag 4 maart**

**van 13.00 – 17.30 oer op 't Sjtasieplein**

**Sjnapsnaazebal**

**Zaoterdaag 5, zónndaag 6, maondaag 7**

**en dinsdaag 8 meert**

**Van 16.00 – 20.00 oer in 't Witte Kirkske  
in de Veursjstad**

**Thema: Sjprookjes**

**Antree: veur nieks**

**Uulejeugdisko**

**Zónndaag 6 en maondaag 7 meert**

**Van 20.00 – 22.30 oer in 't Achterhoes in  
de Veursjstad**

**Thema: Harry Potter**

**Antree: veur nieks**

**Aaftraeje Sjtadsjeugprins Goof I**

**Dinsdaag 8 meert**

**vanaaf 16.30 oer in 't Witte Kirkske in de  
Veursjstad**

